

明代基本史料叢刊・文集卷

(第一輯)

「洪武、建文朝」

錢業書局

主 編 卞 甫

副 主 編 陳玉宇

明代基本史料叢刊・文集卷
(第一輯)

「洪武、建文朝」

三九

綫裝書局

疾欲求吾身之安何可得也亦猶強梗之不鋤
則惡將愈熾而善良不得業其業矣噫古所謂
上醫醫國意不外乎此予於伯疇之言非特知
治病之要而併以得理民之要也使伯疇得試
郡邑其所以利澤於人者將推而益廣矣故爲
書此以謝君之教且以志予忱云

贈黃伯仁吏滿陞府史序

余嘗謂吏之澤民也猶賢於官蓋親民莫先於郡縣而郡縣尤親於吏吏尤親於官也官於民事多總裁至於推研事情權度法意甲信而乙詘陽舒而陰慘使民稱平而不怨以病者皆吏之澤也若黃伯仁氏之吏可謂推澤以爲民利非徒集事而已當長泰有警黃伯仁以招徠功得吏茲邑克贊官政創墉壑以扞外侮新廨譙以肅下望均役以稅實稅以田懲舊偷而穿窬

息鋤宿奸而桀鷙化復龍江贍士田若干畝平
董仲亨等戶婚積訟若干事至有拜浮屠祝其
年者凡五踰歲滿役升郡府民祖送出城數百
人羣造余曰願有言爲我賢吏贈夫邑吏亦微
矣是何得民之深也豈非余所謂澤賢於官者
哉民之心至神而公唯神也故莫不嚮善而背
惡唯公也故莫不好善而惡惡伯仁氏以一邑
吏之微知所以施於民而民知所以報之況於
大吏之澤衆民者乎伯仁尚率是無易余將繼

此而爲民不一書也



贈龍溪尹鄧君朝陽政成序

龍溪漳負郭邑地若民跡他邑大以衆故其事
繁難理上偏郡府政之所施類多掣掣不得遂
兵興分藩再置事益繁而理益難矣誅求之百
出牒訴之羣造規置失則上譴至剖決滯則下
譴與上官曰尹曷忘事乃事耶民曰尹曷不憂
我憂耶尹周旋綏撫思所以獲乎上下者惴惴
焉惴惴焉惟恐過之不揀澤之不流也故邑難
其尹而尹者亦難於是邑也至正庚子乘輿駐

上都選內外清望才諳之士若干人爲京官守
令清江鄧君朝陽與焉以南臺司倉改尹是邑
至則詢民習與前政之所宜興革者去繁以爲
簡反難以爲易民持牒至庭日數百人睚眦之
爭尺寸之較輒成訟吏胥利爲賄謀至以牒多
寡占賄贏縮君進民前曰訟爾利乎曰匪利曰
然則奚爲不忍小忿而以微事煩尹耶若鄉里
有耆民秀士能曲直汝矣無庸肥吏胥也民感
服相告非不可平者不復來造訟庭闐然值郡

有警練民爲兵先是令民數不出粟贍壯夫一
以應非常丁粟多寡鄉各不同民病焉君覈而
均之率以十丁養一人規置饋餽輒躬督以給
軍屢歷山海險弗憚也上官嘉獎事平君曰未
可遽安是惟士習可移民習民不知親上死長
之義而驅之戰謂之棄民於是擇學行之士使
爲鄉師教以孝悌忠信之道而潛消於犷悍桃
薄之習繇是士知本而民知方焉旣而流移者
復呻吟者起遊惰者知所務地無遺力而桑稻

菽野里有厚俗而弦歌比屋列邑慕而思之蓋
君以問學之素措之於政本以推末原以達流
故其游刃肯綮恢恢乎有餘地焉三年政成代
歸民造君拜曰鄧父官命於朝吾民賤且遠不
能告於上以畱父願爲民告新尹幸無易舊政
以久爲我利則猶父之在邑也余聞而喜曰令
而得民若此是豈特善政有以得於民哉蓋善
教有以愛於民也古之所謂賢令者凡以愛民
爲心故慈惠惻怛爲之就利避害惟欲民得所

安而已君率是而施之宜其得民之心也孰謂
龍溪果難理耶邑之士相與爲詩歌以華君歸
因撫其政之槩以爲序

明代基本史料叢刊・文集卷（第一輯）・洪武、建文朝

五四四

卷之十一

卷之十一

十一

汪彥通辟掾序

江東汪君彥通業儒而飾吏其史江東也以憲
使周公伯溫薦史闕海也以僉憲鄭公彥昭辟
旣孫而退僉憲都公眞公交舉之憲副張公師
尹僉憲易公原道皆儒者素知君又舉之僉憲
速公黑公舉其能御史于公黃公舉其廉憲府
及考副帥黃公薦于江西閩史僅數月右轄羅
公薦于閩南省掾夫年勞之積未遠而薦剡之
揚相望汪君何以得此於賢藩憲之臣哉豈不

以君之文墨議論爲有裨於帷幄之謀模政理
之布宣乎承平選才莫嚴於風紀兵興薦士莫
要於藩垣方庶務之孔殷變故之橫作掾持法
以守經度時以達權平立廟堂以與相臣相可
否期在處置得宜中合事會掾之責亦重矣稱
其責亦難矣彥通君文墨之富足以潤飾平書
檄議論之確足以輔成乎事功吾知其無負於
掾無忝於藩憲諸名公之薦拔也然掾承佐官
政者也事雖得與而不得專於已君循茲以往

法當授七品官使其政出於已得行其志吾知
君之設施者固不止是而薦舉之以任顯要者
又非特數公而已也君得薦上閩省漳大夫士
咸有言以贈故余序此于卷端